

Սրանից առաջ հիշված էր, որ աշխարհի ապավենն նորին վսեմության փաղիշահր ամբողջությամբ քննելով Անատոլիայի վիլայեթը, բոլոր կըզըլբաշ ստոր տարրերին սրո ճարակ է դարձել։ Այդ օրերին, մոլորյալների գլուխ կանգնած Զելալի անունով մի անհավատ շարագործ, խելագար ձևանալով, ապուշի արտաքինով ու հագուստով, իր հավաքած ավազակների հետ միասին Բողոքից փախել էր Թոկաթ։ Այդ երկրի մարդիկ նրան Աստծու ընտրյալ համարելով, հարգանք են ցույց տվել։ Բազմաթիվ ավազակներ հավաքվել են նրա շուրջը և սկսել զբաղվել գաղտնի խոսակցություններով և սատանայական գործերով։ Հայտարարելով, թե «Մեհդին՝ այս քարայրից պետք է երևա, և ես նրան եմ սպասում», նա [Զելալին] նման սուտ խոսքերով մարդկանց խաբելով, հետզհետե ավելացնում է իր շուրջը խմբվածների թիվը և պատրաստվում ապրստամբության։ Ի վերջո հայտարարելով, թե «Ես ինքս եմ Մեհդին», նա կոչ է անում և իր շուրջը հավաքում 20 հազարից ավելի հետիոտն ու հեծյալ, որոնք սկսում են հարձակվել այդ շրջանի գյուղերի ու գյուղաքաղաքների բնակիչների վրա և բռնություններ գործադրում։ Երբ այս մասին հայտնում է Բարձր սուլթանական գահին, Ֆերհադ փաշան՝ վեզիրի աստիճանով, սերդար է նշանակվում և զորեղ էմիրների հետ միասին ուղարկվում վերահիշյալ ապրստամբի դեմ... Չարագործ Զելալին տեղեկանում է այդ մասին, բայց դիմադրության անկարող լինելով, կըզըլբաշների երկիրը փախչելու նպատակով շտապում է դեպի Սվազ։

Զյուլկադերի² վիլայեթի իշխող Շահսուվար-օղլի Ալի բեյը, մոտ լինելով այդ սահմանին, տեսնում է, որ եթե ինքը Ֆերհադ փաշայի գալուն սպասի, ասյա թշնամին կարող է փրկվել։ Ուստի նա իր թուրքմեն կտրիճներին անմիջապես հավաքելով, շտապ կերպով առաջ է շարժվում և նրանց ետևից հասնելով Ակշեհիրի մոտ՝ նրանց պարտության է մատնում, իսկ իրեն՝ Զելալին, կենդանի բռնելով, կտոր-կտոր անում։ Այդ մասին նա հայտնում է պետության կենտրոնին և արժանանում վսեմ փաղիշահի շնորհին։ Ֆերհադ փաշան այս գործի պատճառով թշնամանում է Շահսուվար-օղլի Ալի բեյի հետ և ի վերջո այդ ազնվական մարդու ոչնչացման պատճառ դառնում...

(էջ 414—415)

ԷԼԿԱՍ ՄԻՐՉԱՅԻ ԶԵՏ ՊԱՏԱՀԱԾ ԴԵՊՔԻ ՄԱՍԻՆ

Այս հատվածում Սուլաք Զազեն մանրամասն խոսում է իրանի Թահմասը Շահի եղբոր՝ Էլկաս Միրզայի մասին, որը Շիրվանում իշխելու ժամանակ, գահի ժառանգման խնդրում թշնամանում է Շահի հետ, որոշ ժամանակ թափառաշրջիկ կյանք վարելուց հետո, գնում է Ղրիմ ու Քեֆեից՝ նավով մեկնում է Ստամբուլ։

Փաղիշահի հրամանով Էլկաս Միրզային մի շքեղ պալատ է հատկացվում։ Փաղիշահը էդիրնեից Ստամբուլ վերադառնալիս, դիմավորում է մեծ շուքով և հանդիսավորությամբ։ Մի քանի օր հետո Էլկաս Միրզան նույնպիսի շքեղությամբ և փառքով ընդունվում է փաղիշահի կողմից և արժանանում շքեղ և թանկարժեք նվերների։ Միրզան իր եղբոր մասին գանգատ է հայտնում փաղիշահին և խնդրում արշավանք կազմակերպել դեպի Արևելյան երկրները...

Սկսվում են պատերազմի պատրաստությունները։

(էջ 507—509)

ՍՈՒԼԹԱՆԻ ՄԵԿԵՆՈՒՄԸ ԻՐԱՆ

Փաղիշահը հարմար առիթ էր փնտրում կրգըլբաշ ժողովրդից վրեժ լուծելու համար։ Էլկաս Միրզայի փաղիշահի մոտ ապաստանելը հազվադեպ առիթ համարելով, անմիջապես պատերազմի պատրաստվելու ֆերման տրվեց։ 955 (1549—1550) թվականի սեֆեր ամսի 18-ին, նախօրոք, որոշ ուժերով ուղարկվեց Էլկաս Միրզան, իսկ հետո ինքը փաղիշահը մեծ ուժերով մեկնեց Արևելյան արշավանքի։ Կոնիայից, Կեսարիայից և Ավազից անցնելով նա հասավ էրզրում և այնտեղից մեկնեց Ադիլջեվազ։ Վանի բերդը, որ մինչ այդ մտնում էր օսմանյան երկրի մեջ, կրգըլբաշները նորից կարողացել էին գրավել։ Այդ շրջանի բեյլերբեյի Ուլամե փաշան և Կարամանի բեյլերբեյի Փիրի փաշան ուղարկվեցին այդ բերդը ազատելու համար։

Զեմազիկ-ախըրի 14-ին, փաղիշահը գրավեց խոյը և մի շաբաթ հետո հասավ Թավրիզ։ Քաղաքի պաշտպանության համար կարևոր պատրաստություններ տեսան։ Էլկաս Միրզային Թավրիզի իշխող նշանակելու մտադրությունը փոխվեց, քանի որ իր ստացած շնորհների և բարոթյան հանդեպ, նա հանդես եկավ իր ապերիսխտությամբ և Շիրվանում կատարած բռնություններով...

Պատմագիրը Վանի դեպքերի մասին գրում է.

Փաղիշահը Թավրիզից մեկնեց Վան։ Ռեջբե ամսի 10-ին, բազմահազարանոց բանակը կանգ առավ Վանի դաշտում։ Ռումի [Ավազ] և Կարամանի զինվորների հետ նախապես ուղարկված թընդանոթների համար տեղեր պատրաստվեցին, խրամատներ փորվեցին և բերդի նվաճման համար ձեռք առան բոլոր անհրաժեշտ մի-

չոցները: Մոտ 10 օր թնդանոթներով, հրացաններով և նետերով պատերազմելուց հետո, բերդում պաշարված կըզըլբաշները բերդը հանձնեցին: Այդ ամրակուռ բերդը կառուցող փորձված երկրաշափ-ների նման մարդիկ խիստ հազվագյուտ են, և սրա վաստակալոր ճարտարապետները միայն իրենց երևակայությամբ են նկարել նրա պատկերը: Այս բերդը Աջնմի երկրի բանալին է և այդ կողմերի ամրակուռ պարիսպը: Մոլորյալ շահր պարծենալով ասում էր. «Քանի որ դեղին ժայռը՝ իմ հրովարտակի տակ է գտնվում, օս-մանյան սուլթաններից ի՞նչ վախ ունեմ»: Բերդը գրավվեց և նրա կարիքները բավարարելուց հետո, նրա բեյլերբեյությունը հանձ-նրվեց Անատոլիայի դեֆթերդար Իսքենդեր փաշային:

Մոտավուտ ձմեռվա ցրտերի և սառնամանիքների պատճառով նրանք մեկնեցին Դիարբեքիր և շաբան ամսի 25-ին կրոնի մար-տիկները⁵ անցնելով Ադիլջեվազից և Ախլաթից՝ կանգ առան Ամե-տի դաշտում: Այդ ժամանակ, կարմրագլուխները շտապ կերպով շարժվելով դեպի Ադրբեջան, ավերեցին այս բարեշեն երկրի գյու-ղերն ու քաղաքներն, իսկ ժողովրդին ցիրուցան արեցին: Երբ այդ լուրը հասավ վսեմաշուք փադիշահին, երրորդ վեզիր Ահմեդ փա-շան, որոշ քանակությամբ աշխարհակալ զինվորներով, ուղարկ-վեց նրանց դեմ, որից հետո նորին վսեմությունը նույնպես շարժ-վեց այդ ուղղությամբ: Վերոհիշյալ Ահմեդ փաշան, երբ հասավ Զեմախի մոտ, «սերդեն գեշտիների»⁶ սերդար Չերքես Օսման փա-շան, շտապ հասնելով այդ զգվելիների ամբոխին, նրանց ցիր ու ցան արեց, հավաքեց նրանց ամբողջ ավարն ու հարստությունը, վերադարձավ Խարբերդ և միացավ իսլամական բանակին...

Էլկաս Միրզան հայտնելով փադիշահին, որ Սպահանի և Քաշանի կողմերում շահը մեծ քանակությամբ հարստություն է պահում, թույլտվություն է խնդրում այդ հարստությունը կողոպտելու համար: Սուլաթ Ջադեի ասելով, էլկաս Միրզան փադիշահի մոտ կորցրած լինելով իր հարգանքն ու վստահությունը, այնուհանդերձ թույլատվություն է ստանում: Սակայն բրդական մի քանի խմբերից բացի, նրան զինվորական ուժեր չեն տրամադրվում: Էլկաս Միրզան «բեկնային պատուհասի նման» հարձակվում է Սպահանի վրա, կողոպտում և թալանում է շահի անթիվ՝ հարստությունները, և դրանցից մի մասը՝ որպես նվեր, ուղարկում է փադիշա-հին: Դրա փոխարեն էլկաս Միրզային ուղարկվում է ակնազարդ մի ուր, թան-կագին վրան և արքայական հագուստներ: Այնուհետև, էլկաս Միրզան կողոպտե-լով և ավերելով հայրենի երկիրը, շարունակում է իր «արշավանքը» Իրանում: Ջգուշանալով իր եղբայր Շահ Թահմասբից, նա քաշվում է Գուհիստան⁷, ապա գա-լիս Շեհրի Ջորի շրջանը, որտեղ և հիվանդանում է: Շահ Թահմասբի մարդիկ ա-նակնկալ կերպով հարձակվում են Միրզայի մարդկանց վրա և ցրում են նրանց, իսկ իրեն գերի են վերցնում և տանելով շահի մոտ, ըստ ավանդության, նրա քա-շով ոսկի են ստանում: Շահը էլկաս Միրզային ուղարկում է Կահկահա բերդը, որ-տեղ, ըստ ավանդության, նրան թունավորում են:

...Իսլամ մյուսաֆիթները⁸ գրավել էին Վանի բերդը: Իր հերոսությամբ փառք ու պատիվ վաստակած և շահի վստահությանն արժանացած Դենբելի Հաջի բեյ անունով մի ստոր արարած նշանակվեց Խոյի խան և մի երկու հազար ստոր, ավազակ կըզլեբաշներով ուղարկվեց Վանի վրա, այն հաշվով, որ զանազան խորամանկություններով կարողանա դիմադրություն ցույց տալ Վանի մյուսաֆիթներին: Վերոհիշյալ Դենբելի Հաջի բեյը, Վանի բեյլերբեյի Իսքենդեր փաշայից Վանի բերդը ուժով և բռնությամբ վերագրավելու նպատակով, գնում է Խոյ: Իսքենդեր փաշան, տեղեկանալով այդ մասին, անսպասելի կերպով հարձակվում է այդ շարագործների վրա: Քաջամարտիկ զինվորները բերդը ամեն կողմից պաշարում են և ուժեղ կռիվ մղելով՝ շուտով գրավում են այն: Անվանի և հաղթական Իսքենդեր փաշան հիշյալ Դենբելի Հաջիի և նրա մարդկանց գլուխները կտրել է տալիս և նրանց ունեցվածքն ու հարստությունը հափշտակում է: Կտրված գլուխները նիզակների ծայրն անցկացնելով ուղարկում է Նորին վսեմություն փադիշահի բարձր 'Իերգահը:

(էջ 507)

ՎՐԱՍՏԱՆԻ ՍՐԲԱՋԱՆ ՊԱՏԵՐԱԶՄԻ ՄԱՍԻՆ

Փադիշահն այդ ձմեռն անցկացրեց Հալեպում: Գարնանը, 956 (1549) թվականի ջեմադիել-էվլելի 10-րդ օրը, մեծ շուքով նա Հալեպից դուրս եկավ և մեկնեց դեպի Դիարբեքիր: Նա ծրագրել էր այդտեղից արշավել Վրաստանի վրա: Այս արշավանքի պատճառն այն էր, որ իրենց սեպ և անառիկ բերդերում, վրաց ապստամբ ցեղերը, մշտապես ապստամբական շարժման մեջ էին. երբեմն նրանք ապաստանում էին մոլորյալ շահի, երբեմն էլ օսմանյան փադիշահի մոտ: Մի անգամ, նույնիսկ, երբ աշխարհակալ փադիշահը գնացել էր Բաղդադի արշավանքին, վրացիները օգտվելով առիթից, մեծ բանակ էին կազմել, անսպասելի կերպով հարձակվել էին էրզրումի բեյլերբեյի Մուսա փաշայի վրա և սպանել նրան: Անշուշտ, հարկավոր էր արշավել նրանց վրա և պատժել: Երբ փադիշահը երջանկությամբ և փառքով Դիարբեքիր հասավ, Կարամանի, էրզրումի և Սվազի բեյլերբեյները՝ իրենց ձեռքի տակ եղած զեամեթի և սանջակների բեյերի⁹, որոշ քանակությամբ արքունական ենիչերիների և ազաբ աղաների¹⁰, երկրորդ վեզիր Ահմեդ փաշայի տրամադրության տակ դնելով, նրան Վրաստան ուղարկեցին: Շարան ամսի 19-ին, անվանի սերդարը շարժ-

վեց Վրաստանի Թորթում բերդի վրա և, մի քանի օր պաշարելուց հետո, գրավեց այն: Իսկ շրջակայքում գտնվող Նեջուհ և Սերխոյի բերդերի բնակիչները, սարսափահար եղած, բերեցին և հանձնեցին իրենց բերդերի բանալիները: Վրաստանի երկրի բանալին համարվող Ակջա Հիսուր բերդը Աստուռ ողորմությամբ նույնպես նվաճվեց: Վերջապես, թվով տասնհինգ բերդերից մի քանիսը գրավվեցին ուժով, մյուսներն էլ հպատակվեցին և հնազանդություն ցույց տվեցին: Այդ բերդերը մեկական սանջակի հաշվով տրվեցին էմիրներին:

Դրանից հետո նրանք վերադարձան մեծ ավարով և փառքով: Մեկ ամսից մի քիչ ավելի կարճ ժամանակում ձեռք բերվեցին մեծ հաղթություններ և նվաճումներ, իսկ իսլամական սահմանները մասամբ կարգի բերվեցին և ապահովվեցին... Սուլթանն ու բանաչը ամսի 10-ին մեկնեցին Ստամբուլ:

ՆԱԽԻՋԵՎԱՆԻ ԱՆՇԱՎԱՆՔԻ ՄԱՍԻՆ

Ամեն անգամ, երբ վսեմաշուք և երջանիկ փաղիշահը մեկնում էր Արևելք, խարդախ Շահ Թահմասբը, իր սովորության համաձայն, փախչում էր և թաքնվում, իսկ ևրբ փաղիշահը վերադառնում էր Ռումի կողմերը, մոլորյալ շահը, բռունցք և ուժ ցույց տալով, հարձակվում էր սահմանամերձ շրջանի բնակիչների ու ույանների վրա և մոտակա բերդերը էմիրներից վրեժխնդիր լինում: Վնաս պատճառելու հետամուտ լինելով նա մշտապես թափառում էր այդ կողմերում և առիթ ներկայանալու դեպքում՝ կողոպտում էր ու ավերում: Մի օր, անակնկալ կերպով հարձակվեց Արճեշի բերդի վրա և ամեն կողմից պաշարեց: Բերդի վալին, քուրդ Իբրահիմ բեյը, որը Ռուստեմի նման քաջ փահլևան էր, բերդից թնդանոթներով, հրացաններով ու այլ զենքերով պատերազմեց կըզըլբաշ ամբոխի դեմ և նրանց ցիրուցան արեց: Տեսնելով, որ բերդի գրավումը հնարավոր չէ, շահը գնաց Ադիլջեվազի վրա: Նրա վալին՝ Սինան Ջադե Մուստաֆա բեյը, որը նույնպես անվանի զորավար և վերին աստիճանի քաջակորով տղամարդ էր, մինչև անգամ բերդի դռները փակելու կարիքը չզգալով, պաշարված ռազմիկների մի խմբի հետ թշնամու դեմ դուրս եկավ: Ռազմիկները ուժեղ և կատաղի կռվում այնպիսի խիզախություն ցույց տվին, որ անգամ երկրների հրեշտակները փառաբանեցին նրանց:

Անիծյալներն այս անգամ ևս պարտված և կորուստներով վերադարձան ու գնացին Ախլաթի բերդի վրա, որի պահապանների

մի մասը ցրված էր: Բերդում պաշարվածները բերդը պաշտպանելու համար ջանք շխնայեցին, սակայն կըզըլբաշ մի քանի խռովարար և ստոր արարածներ բերդ էին ուղարկել սուտ և կեղծ նամակներ, որոնց մեջ գրել էին. «Ջեր փադիշահը իր զինվորներով Թուրմալիի սահմանում է գտնվում: Մոտ ժամանակում դուք օգնություն ստանալ չեք կարող, այնպես, որ ձեր հոժար կամքով բերդը մեզ հանձնեցեք. դրանով դուք կփրկվեք: Իսկ եթե համառեք՝ ձեր վիճակը շատ ծանր կլինի: Թողեք համառությունն ու թշնամությունը»: Այսպիսի խորամանկությամբ նրանք բերդը գրավեցին, ամբողջ ժողովրդին սրի մատնեցին, բերդի պարիսպները քանդեցին և հողին հավասարեցրին: Երբ այս դժբախտ լուրը հասավ Արճեշ, այնտեղ գտնվողների և Իբրահիմ բեյի կողմնակիցների միջև առաջացավ թշնամություն, որի հետևանքով Իբրահիմ բեյին անսպասելի կերպով սպանեցին և բերդը թողնելով, ցրվեցին ու գնացին: Կըզըլբաշները այստեղ ևս քարը քարի վրա չթողեցին և բերդը հողին հավասարեցրին:

Դրանից հետո Շահը իր որդուն՝ Իսմայիլ Միրզային, մի քանի հազար կըզըլբաշ զինվորներով, ուղարկեց էրզրումի բերդի վրա...

Սուլաք Զադեն մանրամասն նկարագրում է էրզրումի վալի Իսքենդեր փաշայի և կըզըլբաշների միջև տեղի ունեցած խիստ կատաղի և արյունահեղ պատերազմը: Նրա ասելով, կըզըլբաշները իրենց գերազանց ուժերի և խորամանկության շնորհիվ հաղթող են հանդիսանում: Մի քանի հայտնի բեյեր սպանվում են, իսկ էրզրումի աղաների մի մասը գերի է ընկնում: Իսքենդեր փաշան, որը բերդից դուրս գալով, անձամբ մասնակցում է ամենակատաղի մարտերին, նորից ապաստանում է էրզրումի բերդում: Պատմագիրը գրում է. «Իսքենդեր փաշայից բացի, ուրիշ որևէ սերդար նման կռիվ իր երազումն անգամ չէր կարող տեսնել»: Փադիշահը հատուկ նվիրական գրությամբ Իսքենդեր փաշային շնորհավորում և նվերներ է ուղարկում:

(էջ 518—520)

960 (1552) թվականի դեպքերից

Պատմագիրը մանրամասնորեն նկարագրում է Իրանի արշավանքի հետ կապված դեպքերը: Հալեպում ձմեռելուց հետո, 960 թվականի ջեմադիել-էվլելի 5-ին, փադիշահը մեծաքանակ բանակով առաջ է շարժվում և անցնելով Դիարբեքիրից ու էրզրումից, շարան ամսի 4-ին իջևանում է Կարսի դաշտում: Ամբողջ ճանապարհին, երկրի բոլոր կողմերից, բեյլերբեյիները իրենց բանակներով միանում են փադիշահական բանակին: Իրենց բանակներով գալիս են նաև Քուրդիստան, հայտնի էմիրները:

Կարսի դաշտից Շահին՝ «նախազգուշացնելու և հորդորելու» նպատակով, հատուկ փադիշահական գրություն է ուղարկվում:

Այդ երկարապատում նամակում օսմանյան սուլթանը Շահին համարում է

145

«անհավատ», «մոլորյալ», «խաղաղական ուղիղ և ճշմարիտ դավանանքից հեռացած» և այլն: «Հիմա այս վեհանձն [մերդիրք] կուվում,— ասված է նամակում,— նամարդոթյամբ, կնոջ նման ասպարեզից փախչելն ու թաքնվելը անվայել է քեզ...»: Այս սպառնում է, որ դիմադրության դեպքում, իր [շահի] և իր մոլորյալ ավազակներից կազմված բանակի վերջնական ոչնչացումը անխուսափելի է...

Այդտեղից, շարանի 15-ին, նրանք շարժվում են դեպի Երևան:

Երևան քաղաքը իսկապես իրան երկրի մարմնի հոգին էր համարվում: Այստեղ, շահի որդու և նշանավոր խաների ու սուլթանների շքեղազարդ, ոսկեզոծ պալատները կրակի մատնվեցին, այգիներն ու պարտեզները հողին հավասարվեցին, բուերի, ագռավների բույնի վերածվեցին: Այդ ամսի 21-ին նախիջևանի դաշտը բանակատեղիի վերածվեց: Այստեղ «աքընջիների» խմբին¹¹ թույլատրվեց կործանել և թալանել կարմրագլուխների տները: Քսան օր շարունակվող ավերիչ կրակը հողին հավասարեցրեց վարդանման, գեղեցիկ, բարեշեն տներն ու ապարանքները և քարը քարի վրա չթողեց: Հիշյալ աքընջիների ձեռքն անցած ավարը այնքան անշափ ու անսահման էր, որ չի կարելի նկարագրել: Աշխարհակալ, վսեմաշուք փադիշահի շուրջը հավաքված բազմահազար զինվորների հարձակումից մոլորված շահը, աղվեսի նման այնպես էր ապաստանել սեպածե լեռներում, որ նրանից ոչ մի նշան կամ հետք չէր երևում: Երբ լուր ստացվեց, որ նա բոլորովին մտադիր չէ որևէ հարձակում ձեռնարկել և կամ որևէ կողմից հանդես գալ, նրա վրա շարժվող իսլամ-դազիների¹² առջև չէին կարող արգելք հանդիսանալ անգամ քարերն ու լեռները...

Այդքանով բավականանալով, փադիշահը նպատակահարմար է համարում վերադառնալ: Ռամազան ամսի 7-ին իջևանում է Բայազիտ բերդի մոտ և հետո Հասան կալեոմ: Այստեղ վանի բյւլբւրբյիին և Քուրդիստանի էմիրներին հրաման է տրվում վերադառնալ իրենց տեղերը: Շահը իր մարդկանցից Շահ Կուլի անունով մեկին, հաշտության և խաղաղության խնդրանքով ուղարկում է փադիշահական բանակ: Փադիշահը պատգամավորին ընդունում է մեծ պատվով ու շուքով: Շահը իր նամակում, ի միջի այլոց, հայտնում է, որ «Չալդրանում իմ հայր Շահ Իսմայիլը սխալվել էր և ներկայումս՝ հրացանով ու թնդանոթով, պատերազմի կրակի մեջ մտնելն անիմաստ է...»:

Փադիշահը պատասխանում է Շահի նամակին և սպառնում ձեռնարկել արեւելյան նոր արշավանքի: Շահը սարսափահար է լինում և նորից հատուկ գրությամբ, մեծաքանակ ու թանկագին նվերներով պատգամավոր է ուղարկում և հայտնում է հաշտության իր հաստատ մտադրությունը: Երբ փադիշահը ժամանել էր Ամասիա ձմեռելու համար, այնտեղ է գալիս շահի պատգամավորը և ընդունվում մեծ պատվով ու շուքով: Հաշտության պայմանների մասին համաձայնության գալուց հետո հաշտության պայմանագիրը հաստատվում է փադիշահի կողմից և ուղարկվում շահին: Փադիշահը էյալեթների զորամասերն ուղարկում է իրենց տեղերը և ինքը վերադառնում է Ստամբուլ:

(էջ 525—532)

* * *

Կանոնի Սուլթան Սուլեյմանը վերադառնալով Նախիջևանի արշավանքից և երկարատև բանակցություններ վարելուց ու զինադադարից հետո, 962 (1554—1555) թվականին, Իրանի և Օսմանյան պետության միջև վերջապես հաշտության պայմանագիր է կնքվում։ Այդ պայմանագիրը երկու պետությունների միջև կրնքված հաշտության առաջին պայմանագիրն էր, որի համաձայն հովանավորություն պետք է ցույց տրվեր Իրանի հաջիներին։ Վերջինս պարտավորվում է չխախտել Խաղաղությունը, իսկ օսմանյան պետությունը՝ հավատարիմ մնալ պայմանագրին։ Այս հաշտությամբ բավականին երկար ժամանակ դադարում են Իրանի և Թուրքիայի միջև շարունակվող պատերազմական գործողությունները։

993 (1585) թվականի դեպֆեռից

ԹԱՎՐԻԶԻ ԱՆԱՐԳԵԼ ԳՐԱՎՈՒՄԸ

Օսման փաշան Աստծուն ապավինած, իր հաղթական զինվորներով հասավ Թավրիզի ընդարձակ դաշտավայրն ու դուրս եկավ կրգրլբաշ զինվորների դեմ։ Պատերազմի ու սպանության կրակը բորբոքվեց և այնպիսի մարտեր տեղի ունեցան, որ նկարագրել անհնար է։ Թեև Մուրադ փաշան գերի ընկավ, սակայն կրգրլբաշները սրտ ճարակ դարձան։ Մեծ թվով խաներ ու սուլթաններ սպանվեցին և Աջեմի զինվորները պարտության մատնվեցին։ Թավրիզ քաղաքը իսլամական բանակի ձեռքն անցավ, գրավվեց և իսլամական երկրին միացվեց։ Ներքինիների խմբից մեկը, Ջաֆեր փաշան, բավական թվով իսլամական զինվորներով նշանակվեց Թավրիզի պահապան։ Սա պետք եղածին պես ամրացրեց բերդը։ Նրա պաշտպանության համար նշանակված զինվորների հետ մտավ բերդը և այնտեղ հանգստացավ։ Սակայն պատերազմից հետո Օսման փաշայի առողջությունը խանգարվեց, նա ծանր կերպով հիվանդացավ և մի քանի օր հետո մահացավ...։

Թավրիզի անարգել գրավման առթիվ Ստամբուլում երեք օր ու գիշեր հրավառություն կատարվեց, բայց քանի որ կրգրլբաշների նկատմամբ վստահություն չկար, բեյլերբեյիներին անհրաժեշտ հրահանգներ տվեցին և սահմաններն ամրացրին։ Գարնանը նորից պատրաստություններ սկսեցին Աջեմի դեմ արշավելու համար։ Ֆերհադ փաշան նորից օսմանյան հաղթական բանակի սերդար է նշանակվում և մեծաքանակ զինվորական ուժերով շարժվում դեպի արևելյան սահմանը...

...Իսլամական բանակը, կրգրլբաշների հեռու և մոտ վայրերի վրա հարձակվելով, գրավեց մի շարք երկրներ. կրգրլբաշների մի

մասը սրո ճարակ դարձավ, մի մասն էլ գերի ընկավ: Վրաստանցի Սիմոն և Ալեքսանդրե խաներին նախազգուշական գրություններ ուղարկվեցին: Թեմուր Կափու [Դերբենդ], Շիրվանի վիլայեթ, Կարս, Թիֆլիս, Երևանի բերդ և օսմանյան տիրապետության տակ ընկած քաղաքներ ուղարկվեցին զորավոր միլիարդներ, պահպանության զինվորներ և բոլոր կողմերն ամրացնելու համար մեծ ջանքեր գործադրեցին:

(էջ 609—613)

1000 (1591—1592) թվականի դեպքերից

ԳԵՆՋԵԻ ԳՐԱՎՈՒՄԸ ԵՎ ՀԱՇՏՈՒԹՅԱՆ ԿՆՔՈՒՄԸ

Նախորդ տարին, երբ հավաքվեցին հաղթական զինվորները, անվանի սերդարն իր փառապանծ բանակով գնաց Գենջեն ու Բերդան նվաճելու և այդ շրջաններում եղած կրգըլբաշներին սաստեղու: Դենջեն նրա հպատակների ու ռայաների հետ միասին իր տիրապետության տակ առնելուց հետո, Անատոլիայի էյալեթի իշխող Խադիմ Հասան փաշան, որը հետագայում սադրազամ նշանակվեց և ապա սպանվեց, վեզիրության աստիճանով ստացավ Գենջեի էյալեթը և այդ երկրում մետաքսի բերքի հարստությունը գրավելու համար նշանակվեց դեֆթերդար: Երեքական տարի ծառայելու պայմանով բավականաչափ կուլեր [զինվորներ] գրանցեց և այնտեղ թողեց: Այդ մետաքսի եկամտից այնտեղի կուլերի ռոճիկներն ու ծախքերը վճարելուց հետո, ամեն տարի հավասարապես 150 բեռ¹³ ակչեի արժեքով մետաքս էր ուղարկվում արքունական գանձարանը:

Գենջեի գրավումից հետո, դեպի Ռեշտ նահանջած Աջեմի շահը՝ իր եղբոր որդի Հայդար Միրզային պատանդ տալով, մտադրվեց հաշտություն կնքել: Աշխարհի ապաստան փադիշահն էլ այդքան երկար տարիներ տևած արշավանքներից հոգնած լինելով և իսլամական զինվորներին երկարատև շարժման մեջ ուղահեղ ալևա անտեղի համարելով, զթաց նրանց ծանր վիճակին. մյուս կողմից էլ ռայաների անվտանգությունն ու հանգիստը ապահովելու նպատակով, սերդար Ֆերհադ փաշային ֆերման տրվեց, որ [շահի] հաշտության առաջարկությունը ընդունի և իրրե պատանդ տրված Հայդար Միրզային վերցնի ու վերադառնա: Սերդարը հաշտություն կնքելով և Հայդար Միրզային վերցնելով, հիշրեթի 1000 թվականին եկավ պետության մայրաքաղաքը: Տեղի ունեցավ մեծ հանդի-

սավորութիւն, և [շահի] նամակներին համաձայնութեան պատաս-
խաններ ուղարկվեցին...

Վերոհիշյալ Միրզայի բոլոր կարիքները բավարարվեցին. դե-
պի Վեֆայի հրապարակը¹⁴ նայող Փերթև փաշայի պալատում նրան
բնակարան հատկացվեց և ծառայողներ նշանակվեցին... Հայդար
Միրզան որոշ ժամանակ հետո մահանում է ժանտախտից: Նրան
թաղում են մի հարմար վայրում և գերեզմանի վրա գիշերով կա-
մար են կառուցում: Քիչ ժամանակ հետո, ռաֆրզի ավագանները
գերեզմանը բաց են անում և Միրզայի մարմինը փախցնում են ի-
րենց երկիրը...

(էջ 624—625)

1031 (1621—1622) Բվականի դեպքերից

ԱԲԱՋԱ ՓԱՇԱՅԻ ԴԵՊԲԵՐԻ ՄԱՍԻՆ¹⁵

Երբ Կոջա Մուրադ փաշան պարտութեան մատնեց Ջանփուլա-
դին, Աբազա փաշան խազինեդար¹⁶ էր: Այդ կովում Աբազան գերի
ընկավ, սակայն ենիչերիների Աղայի խնդրանքով Մուրադ փաշան
նրան ազատ արձակեց և իր մոտ վերցնելով, հոգ տարավ նրա կրթ-
թութեան մասին: Հետագայում, երբ հալիլ փաշան ծովակալ նշա-
նակվեց, Աբազայի ծառայությունը գնահատելով, նրան որդեգրեց
և ծովի բեյութիւն տվեց: Իսկ երբ հալիլ փաշան ծովակալութիւն-
նից Արևելյան արշավանքի սերդար նշանակվեց, Աբազային իր
հետ տարավ և բեյլերբեյի նշանակեց: Ի վերջո, Աբազան նշանակ-
վեց էրզրումի բեյլերբեյի: Աբազան ամուսնացավ մեծ վեզիր
Գյուրջի Մուհամմեդ փաշայի եղբոր աղջկա հետ... Այդ ժամանակ
էրզրումում եղած ենիչերիների մեծ մասը եկավ Ստամբուլ և սագ-
րագամ Մուհամմեդ փաշային հայտնեցին, որ [Աբազա փաշան]
«Մեզ բոլորիս բերդից դուրս հանեց և բացի այդ, մտադիր է Կար-
սի և Ախալցխայի բերդերում գտնվող ենիչերիներին ևս դուրս հա-
նել»: Ծովակալ հալիլ փաշային էլ հայտնեցին, որ «Քո որդին ա-
պրստամբութեան է պատրաստվում»: հալիլ փաշան Աբազային
գրութիւն ուղարկեց և հայտնեց. «Բերդից դուրս արի և եթե ինձ
հարգում ես, իմ խոսքին մի հակառակի»:

Սեֆեր ամսի 19-ին, ուրբաթ օրը, ենիչերիների Աղա Մուս-
տաֆա փաշան, գնալով մեծ վեզիր Մուհամմեդ փաշայի մոտ,
հայտնեց, որ ենիչերիների խումբը ըմբոստացել է և ասում են, որ

«Աբազա փաշան ապստամբել է, մեր պահապան ընկերներից մի մասին բերդից դուրս արել և մեր կարող ընկերներին էլ բանտարկել: Աբազա փաշան Ստամբուլում մեծ վեզիր Գյուրջի Մուհամմեդ փաշայի և ծովակալ հալիլ փաշայի վրա հենվելով, չի ցանկանում փաղիշահի բերդից դուրս գալ և համառում է: Գյուրջի Մուհամմեդ փաշան և ծովակալ հալիլ փաշան հովանավորում են նրան, քանի որ Աբազա փաշան ներկայումս մեծ վեզիր Դյուրջի Մուհամմեդ փաշայի եղբոր, էրզրումի Հյուսեին փաշայի աղջիկն է առել, այդ պատճառով էլ վերջինս պաշտպանում է Աբազա փաշային: Սպաները միջամտեցին, կռիվը արգելեցին»: Երբ ենիչերիների Աղան փաշայի դռնից դուրս գալով ձի էր հեծնում, ճանապարհին հանդիպեց ծովակալ հալիլ փաշան: Երբ սա անցնում էր ենիչերիների մոտից, էրզրումի բերդից արտաքսված և ունեցվածքները հափըշտակված մի քանի ենիչերիներ առաջ անցնելով, հալիլ փաշային ասացին. «Որդիդ՝ Աբազա փաշան, ապստամբել է: Մեր նկատմամբ նրա կատարած դավաճանությունը մենք հայտնեցինք մեծ վեզիր Մուհամմեդ փաշային. նա անտարբեր մնաց, և այդ ամենը ի պատիվ քեզ: Աբազան քեզ վրա է հենվում և նման գործեր է կատարում»...

Քեթխուդան և մյուս աղաները ենիչերիներին ցրեցին և հալիլ փաշայի համար ճանապարհ բացեցին... Հաջորդ օրը ենիչերիները հավաքվելով հայտարարեցին. «Աբազա փաշան անպայման պետք է սպանվի: Մեր ընկերների նկատմամբ նրա կատարած դավաճանությունը մեզ էլ է վերաբերում: Նա փաղիշահի բերդի պահպանման համար նշանակված ընկերներից մի քանիսին բերդից դուրս է արել և սեկեան գրելով¹⁷ է զբաղված»: Օջաքի սպաները միջամտեցին և կռիվը դադարեցրին:

Սեֆեր ամսի 21-ին փաղիշահը գրեց մի նվիրական հրովարտակ, որով էրզրումի բեյլերբեյին հայտնում էր, թե «Աբազա փաշան պաշտոնազուրկ է եղել: Այդ գործում հալիլ փաշան մեղավոր չէ...»: Այդ ամսի վերջին, էրզրումի բեյլերբեյի Աբազա փաշայի ապստամբությունը քննելու համար գանգատավորներ եկան: Նրան պաշտոնազուրկ արեցին և նրա փոխարեն նշանակեցին Նեսուհ փաշայի քեթխուդա Մուստաֆա փաշային: Աբազա փաշան դիվան կազմեց, էրզրումի բերդի բոլոր բնակիչներին՝ թե՛ մեծերին և թե՛ ստորադասներին դիվանի կանչեց և հարցրեց. «Իմ բեյլերբեյոե-

թյունն եք ուզում, թե՛ ուրիշինը»։ Բոլորը վախից պատասխանեցին. «Մենք քեզնից բացի ուրիշ մարդ չենք ուզում, քեզնից գոհ ենք»։ Այս կերպ քաղաքի ժողովուրդը իր գոհունակությունը հայտնելով, իրենց կնիքով գրությունը կնքեցին և Ստամբուլ ուղարկեցին։ Սրա պատճառն այն էր, որ Աբազա փաշան իր հավաքագրած սեկբաններից ամեն մի տան վրա հինգական հոգի բաժանելով, տան տերերին պարտավորեցրել էր ապահովել նրանց ուտելիքն ու խմելիքը և այդ պատճառով էլ նրանք մյուսեղիմի¹⁸ ներկայութեամբ վկայություն տվեցին այն մասին, որ նա [Աբազա փաշան] լավ մարդ է։ Արաղա փաշան մյուսեղիմին ասաց. «Ստամբուլից ստացա մի քանի նամակ, որոնք հայտնում են, թե Ստամբուլում գտնվող ենիչերիներն ու սիփահիները ապստամբություն են բարձրացրել և ո՛չ փաղիշահին են լսում ու ո՛չ էլ մեծ վեզիրին։ Դու այդ կողմերում զինվորներ հավաքագրիր։ Անհրաժեշտ է դրանց վերնդել»։ Նա պատասխանեց. «Ես իմ կամքով զինվորներ հավաքագրել չեմ կարող»։ [Աբազա փաշան] մյուսեղիմին թույլ չտվեց վիճաբանել և ինքը զբաղվեց կանոնավոր զորքեր պատրաստելու գործով, որպեսզի, եթե Ստամբուլից իր դեմ զինվորներ ուղարկվեն, կարողանա պատերազմել...

(էջ 725—729, 730, 734)

* * *

Այդ ժամանակ կրգըլբաշները, Բաղդադի բերդը ամրացնելով, այնտեղ մեծ քանակությամբ զինվոր էին կուտակել։ Ինքը՝ շահը անձամբ, անշափ զինվորներով գտնվում էր այդ կողմերում։ Բերդի պահպանության համար ծառայող բերդապահները ապահովված էին պաշարով և զինվորներով, այնպես որ բերդի գրավումը անհնարին էր, իսկ շահի բանակի հաղթությունը՝ հավանական։ Իսլամական զինվորներն իննը ամիս անցկացրին այսպիսի պայմաններում...

Երբ օսմանյան բանակը Բաղդադը գրավելու համար պատրաստություններ էր տեսնում, Աջեմի սահմանի քաղաքներից լուրեր ստացվեցին, որ կրգըլբաշները պաշարել են Ախալցխայի բերդը։ Այնտեղից օգնություն էին խնդրում։ Քանի որ զարուհը եկել էր, կարելի էր սպասել հաղթական բանակի շարժմանը։ Ամենից առաջ, Ախալցխայի բերդի ազատագրմանը հասնելու համար Դիշլենգ Հյու-

սեին փաշան նշանակվեց մեծ վեզիր, իսկ խալիլ փաշան, սերդար: Դիարբեքիրի էմիրների էմիր Մուհամմեդ փաշան, Սվազի բեյլերբեյին և մի քանի այլ բեյլերբեյիններ նույնպես նշանակվեցին, իսկ էրզրումի բեյլերբեյի Աբազա փաշային ուղարկվեց մի նամակ, որով հայտնվում էր. «Դու էլ Հյուսեին փաշայի և մյուս բեյլերբեյինների հետ պետք է գնաս Ախալցխայի ազատագրմանը, ես էլ ձեր հետևից կհասնեմ: Դուք ինձնից առաջ ճանապարհ ընկեք»: Հիշյալները էրզրում հասան: Դիշլենգ Հյուսեին փաշան մեծ սերդար խալիլ փաշայի նամակը հանձնեց Աբազա փաշային: Աբազա փաշան նրանց բանակները տեղավորեց բերդից դուրս, բաց դաշտում. Դիշլենգ Հյուսեին փաշային խնջույքի պատրվակով բերդը տարավ և այդ գիշերը նրան սպանելով, դիակը անհետացրեց: Հաջորդ օրը, որսի գնալու պատրվակով, մեծ թվով զինվորներով նա էրզրումի բերդից դուրս եկավ և վերոհիշյալ բեյլերբեյինների բանակների առջևից անցնելով, կողոպտեց նրանց անասուններն ու սարքերը և բռնեցվածքը ոչնչացրեց: Խեղճ բեյլերբեյինները իրենց մերկ ձիերն հեծան և եկած ճանապարհով շտապ ետ գնալիս, տեսան, որ սերդար խալիլ փաշան գալիս է դեպի էրզրում: Բեյլերբեյիններին տեսնելով նա հարցրեց. «Սա ի՞նչ վիճակ է»: Նրանք պատասխանեցին «Ի՞նչ պետք է լինի, Աբազա փաշան Դիշլենգ Հյուսեին փաշային ոչնչացնելուց հետո, մեզ այս վիճակին ենթարկեց: Մենք էլ մեր զուգընթաց փրկելու համար մի կերպ դուրս եկանք և գնում ենք»: Երբ նրանք մանրամասն բացատրեցին իրերի վիճակը, խալիլ փաշան իր տրամադրություն տակ եղած զինվորներով և փախչող բեյլերբեյինների զինվորներով շարժվեց դեպի էրզրում, պաշարեց բերդը և նամակ ուղարկելով Աբազա փաշային, նրան հպատակության կոչ արեց ու շատ խրատներ տվեց: Սակայն Աբազա փաշան ոչինչ չլսեց և բերդում փակվելով, որոշեց շարունակել կռիվն ու պատերազմը: Նա հպատակությունը անհնարին էր համարում: Էրզրումի բերդը շատ ամրակուռ և անառիկ լինելով, նրա գրավումըն ու նվաճումը դժվար էր: Այդ տարվա արտակարգ դեպքերը թույլ չտվին, որ խոսմանյան բանակը էրդեբիլի վրա գնա և այդ բերդը գրավի, ինչպես նախատեսված էր: Աբազայի դեմ մղված կռիվում Դիշլենգ Հյուսեին փաշան և մի քանի այլ էմիրներ թշնամու սրով սպանվեցին և ոմանք էլ գերության շղթաներով կաշկանդվեցին: Մեծ սերդար խալիլ փաշան այս դեպքերի պատճառով շատ վշտացավ և Աջեմի երկիրը թողնելով, անցավ էրզրումի պաշարման գործին:

Սակայն բերդը գնդակոծելու համար նա միայն մի թնդանոթ

ուններ, որ բերել էր Վրաստանի էմիրներից մեկը՝ Մաղրավ* անու-
նով անձը: Անկարելի էր էրզրումի նման ամրակուռ բերդը ավերել
մեկ-երկու թնդանոթով, իսկ բերդի շատ խոր խանդակներն (խրամ-
ներ) անցնել և լաղըմներ (կոյուղի) փորելն անհնարին էր: Մյուս
կողմից շրջակա քաղաքներից թնդանոթներ բերելու և հողը դուրս
թափելու համար եղանակը աննպաստ էր: Ձմեռվա ցրտերը մոտ
լինելու պատճառով նրանք ստիպված եղան բերդի պաշարումից
հրաժարվել և զնալ ձմեռելու վայրերը: Ճանապարհին, սաստիկ
սառնամանիքի պատճառով, իսլամական զինվորներից շատերի
ձեռքերն ու ոտքերը սառեցին և վիրահատները ստիպված եղան
կտրել դրանք:

Երբ փադիշահը այդ մասին տեղեկություն ստացավ, անմի-
ջպես վեզիրներին և ուլեմաներին¹⁹ իր մոտ խորհրդակցության
հրավիրեց:

Որոշվեց նոր ուժեր և անհրաժեշտ ռազմամթերք ուղարկել
Աբազա փաշայի ապստամբական շարժմանը վերջ տալու հա-
մար....:

1037 (1627—1628) թվականին բանակը մեծ պատրաստու-
թյուններով մեկնում է Ստամբուլից: Ճանապարհին լուր է ստաց-
վում, որ Աբազա փաշան դիմել է Շահ Աբբասին և խնդրել, որ
քանի դեռ սերդարը իսլամական բանակով էրզրում չի հասել,
շտապ կարգով էրզրում ուղարկի որոշ քանակությամբ կըզըլբաշ
զինվորներ և մի քանի խաներ, որպեսզի ինքը էրզրումի բերդը
նրանց հանձնի, և դրանից հետո ինքը շահին ներկայանա և նրան
հպատակություն հայտնի: Իսկ սերդարի էրզրում հասնելուց հետո
բերդի հանձնումը անհնար կլինի: Շահ Աբբասը տեղեկացրել էր,
որ «մի քանի հազար զինվորներ ու զորեղ խաններից մի քանիսը
արդեն նշանակված են և մոտ ժամանակներս գալու են էրզրում»:
Այս պատճառով սերդարը, զիջելով ամսի 26-ին, մի քանի հազար
հեծյալ ենիչերիներից և այլ խմբերից շտապ կարգով ընտրեց գոր-
ծին օգտակար զինվորներ և առույգ ձիեր: Նրանց հանձնարարեց
թնդանոթների փոխադրությունը և ասաց. «Երբ ես էրզրում հաս-
նեմ, դուք էլ թնդանոթները թռչունի նման թռցնելով տեղ պիտի
հասցնեք, այնպես որ, եթե ինձնից մի քայլ անգամ ետ մնաք, ձեզ
բոլորիդ կսպանեմ. ձեզ փրկություն չկա»: Քաջամարտիկ զինվոր-
ները շտապ մեկնեցին և հաջորդ օրը, կեսօրին, Աստծո ողորմու-

* Պատմագիրը (կամ հրատարակիչը) Մաղրավ անունը աղավաղել ու գրել է
Մաղուլ (?): Դա վրաց ազգային հերոս Գ. Սաակաձեն է, որին թուրք պատմա-
գիրները Մաղրավ են կոչում:

թյամբ հասան էրզրումի շրջակայքը: Թնդանոթները բերդի առաջ դասավորելու համար նշանակված զինվորները, թնդանոթները թռցնելով, նույն ամսի 9-ին բերդի առաջ տեղավորեցին: 1038 (1628—1629) թվականի մուհարրեմ ամսի 7-ին ենիչերիները խրամատ մտան և հաջորդ օրը սկսեցին գնդակոծել: Բերդի պարիսպների տակ մի քանի լաղըմներ փորեցին: Մական անհնար էր քանդել ու ավերել այդ ամրակուռ բերդը, անգամ նրանից մի քար պոկել, հատկապես շատ խորն էր նրա շուրջը փորված խրամը:

Բերդում պաշարված Աբազա փաշան, տեսնելով մեծ սերդարի պատրաստությունները, նրա ահագին ռազմամթերքը և զգալով, որ ինքը փրկություն չունի, շատ վախեցավ և հատկապես տեսնելով, թե ինչպես են բերդը պաշարող հաղթական հուշակ վայելող զազիները հրացանով և թնդանոթով անընդհատ կռվում, իր սրտում ահ ու սարսափ զգաց: Մեծ սերդարը Աբազայի մոտ եղած ստոր արարածներին լուր ուղարկեց և խրատական խոսքերով հպտակության ու հանձնվելու կոչ արեց. «Ինչո՞ւ եք ապստամբում վսեմաշուք փաղիշահի դեմ: Եթե ձեր նպատակը դիրլիք²⁰ ստանալն է, եկե՛ք, ձեր ցանկացած դիրլիքին արժանացե՛ք: Ձեզ նման քաջերին անվայել է մնալ ապստամբ: Մասավանդ դուք գիտեք, որ ապստամբությունը վերջ չունի: Մինչև հիմա ո՞վ է կարողացել օսմանցիի հետ չափվել, որ Աբազան չափվի: Հետո, երբ նա [Աբազա փաշան] մեր ձեռքն անցնի, ձեր վիճակը հայտնի կլինի: Փաղիշահի ֆերմանի համաձայն ձեր ոճիրները պետք է ներվեն և ձեր պահանջած դիրլիքները կստանաք: Իմ նպատակն է ձեզ խրատ տալ: Թե չէ հետո՞ զղջումը օգուտ չի տա»: Այսպես, շատերը մեծ սերդարի հողը համբուրեցին և շնորհի արժանացան...

Աբազայի զինվորների թիվը պակասեց, մնացածներն էլ երկար ժամանակ պաշարված մնալով, տառապում էին և ցանկանում հպտակություն ցույց տալ մեծ սերդարին: Աբազան և նրա խռովարար շեյխը տեսնելով, որ հաշտություն խնդրելուց բացի, իրենք ուրիշ ելք չունեն, հիշյալ ամսի 17-ին, վեց մարդ ուղարկեցին վսեմ սերդարի մոտ և հայտնեցին, որ պատրաստ են հաշտություն կրնաքելու: Ամսի 22-ին, Աբազան ինքը բերդից դուրս եկավ և սերդարին ներկայացավ: Տեսակցությունից հետո նորից բերդ վերադարձավ: Ամսի 23-ին, մեծ վեզիր Խուսրեվ փաշան բերդը մտավ և ուրբաթ օրվա նամազը Մեծ Ջամիում կատարեց: Հետո Աբազա փաշային իր հետ առնելով, բերդից դուրս եկավ և նրան իր վրանը տարավ: Դրանից հետո Աբազային իր մոտ պահեց:

Ախալցխայի բերդի գրավման ու պահպանման համար նշա-

նակվեցին անհրաժեշտ քանակությամբ զինվորներ: Ինքը հուսարեւ
փաշան Աբազա փաշայի հետ միասին մեկնեց Ստամբուլ... 1038
(1629) թվականի ռեբիուլ-ախրրի 16-ին նա մեծ հանդիսավորու-
թյամբ Ստամբուլ մտավ: Հաջորդ օրը ընդունվեց վսեմաշուք փա-
ղիշահի կողմից և մեծ նվերների ու շնորհների արժանացավ...
(էջ 742—746)

1044 (1634—1635) թվականի դեպքերից

ՍՈՒԼԹԱՆ ՄՈՒՐԱԴ ԽԱՆԸՉ՝ ԳՆՈՒՄ Է ԵՐԵՎԱՆԸ ԳՐԱՎԵԼՈՒ

Այդ գարնանը, փաղիշահը մտադրվեց Արևելյան արշավանքի
գնալ անձամբ և գրավել Երևանի բերդը: 1044 թվականի շարան
ամսի 2-րդ օրը սուլթանական փառապանծ թուղը²² Սկուդար տար-
վեց և նույն ամսի 4-րդ օրը մեծ շուքով և հանդիսավորությամբ
հաստատվեց փաղիշահական օթաքը: Սկուդարի դաշտում՝ Ռու-
մելիի զինվորներին բերելու համար ուղարկվեց վեզիր հալիլ փա-
շան: Ռամազան ամսի 8-ին ստացվեց Կարսի բերդի մոտի Մազիզ
բերդի գրավման լուրը: Այդ օրերին Բայրամ փաշան ավարտեց ար-
շավանքի պատրաստությունները և ամսի 17-ին, մեծ շուքով և
հանդիսավորությամբ, բանակը դուրս բերեց. 20-ին փաղիշահը,
շեյխ-ուլ-իսլամը, սադրազամ Մուհամմեդ փաշան և այլ երևելի-
ներ, սիփահիներն ու ենիչերիները՝ շքերթով, աղոթքով և գովաբա-
նությամբ, Ստամբուլից Սկուդար անցան և կանգ առան փաղիշա-
հական բանակում...

Բանակը շարժվում էր դանդաղ: Ծանապարհին տեղի ունե-
ցան բազմաթիվ մահապատիժներ: Գյոքքոզեում սպանեցին մի քա-
նի ավազակների, Դիլեքլի դաշտում՝ Սուլաք Բաշին, Իզնիկի և Ե-
նիշեհրի բազարում՝ մի ենիչերի օղաբաշի: Կոնիայում Կարաիլան-
օղլի Սեֆերին շղթայեցին և սպանեցին: Ինենյուի և էսկիշեհրի
մոտ բարևի կանգնած Թուրուջի Հասան փաշան հրավիրվեց փաղի-
շահական վրանը, որտեղ դահիճը թուցրեց նրա գլուխը: Սեյիդ Ղա-
զի մենզիլում սպանվեց զորքաներից մեկը, Բուլավադինի մեն-
դիլում Կաբա Աղաջի կադին, որի դեմ գանգատներ կային: Ակ-
շեհիրում սպանվում է Կարամանի բեյլերբեյի Ալի փաշան, որը
փաղիշահի կամքին հակառակ շրջագայության գնալով, բռնու-
թյուններ էր կատարել: Կոնիայում մահապատժի են ենթարկվում
Արաբ-օղլի և Նալիզե անունով ավազակները, իսկ սուլթան Օսմա-
նի²³ սպանության գործին մեղսակից զորքաներից²⁴ սպանվեցին

Գյուրջի Օսմանը, Հաջի Հասան օղլին և Շաբանը: Թիքե Փընարում մահվան դատապարտվեց Ջեվհերի Ջադեն, նիկդեյում սպանվեց էդիրենի բեյլերբեյի Հյուսեին փաշան, Կեսարիայի կադին սպանվեց կաշառակերության համար, Փալասի, Թուղլայի և Չենեքի կըշլակների թուրքմեն ավագաններից 10 մարդ բերվեցին և սպանվեցին Օթաքի առաջ:

Սվազում սպանվեցին Քեսքենլի Ալի փաշան և Սուլեյման անունով ավագակը, որոնց դեմ գանգատավորներ էին եկել. նույն մենզիլը ժամանած հինգ կըզըլբաշներից չորսը գլխատվեցին, իսկ մեկը՝ Վանի բերդում բռնված խոջա Մուհամմեդ Թեբրիզի անունով լրտեսը՝ ներման արժանացավ: Այդ վայրում սպանվեցին անհամար թվով խռովարարներ: Քանի որ էրզրումում գանգատներ էին ստացվել Սվազի բեյլերբեյի Ալի փաշայի դեմ և նրա ոճիրները ապացուցվել էին, փաշան գլխատվեց...²⁵

1045 (1635—1636) թվականի մուհարրեմ ամսի 24-ին բանակը շուքով առաջ շարժվեց: Բասիրեի մենզիլում վեց օր կանգ առան: Այնուհետև, Կարսի բերդի մոտի Քյունբեթ անունով գյուղում, Կարսի Շեյխիսան փաշան իր քաջ զինվորներով շքերթ կազմակերպեց: Այդտեղ նրանք մնացին երկու օր... Սեֆեր ամսի 14-ին անթիվ-անհամար զինվորներով իջևանեցին Դյոք-Քյունբեթ կոչված վայրում, որը սակայն անհարմար համարելով, մուսուլման ղազինների հետ միասին եկան Երևանի բերդի առաջ: Երևանում եղած անհավատները մուսուլման ղազինների վրա հրացան և թնդանոթ կրակելիս՝ թնդանոթի մի արկ կայծակի նման սլանալով փողոցների վրայով, ընկավ սիփահիների զորամասի մեջ, սակայն բարձրյալ Աստծո կամքով ոչ ոքի վնաս չպատճառեց: Վեհաշուք փադիշահը տեսնելով այդ ստոր արարածների հրացանները և թընդանոթները, Երևանի դիմացի Ջանգի խան լեռնանցքից ցասումով և զայրույթով անցնելով, կանգ առավ Երևանի առջև: Վրանները շրջապատեցին բերդը: Այդ օրը, բերդի դռան մոտ, մարտերը շարունակվեցին մինչև երեկո: Շատերը շրջապատեցին բերդի դուռը: Հաջորդ օրը զենք և ռազմամթերք բաժանվեց ենիչերիներին և մյուս զինվորներին: 16-րդ գիշերը ենիչերիները մտան խրամատները: Հին Երևանի կողմից՝ Քյուչյուկ Ահմեդ փաշան, էրզրումի զինվորներով, մյուս՝ հին քաղաքի դռան կողմից Անատոլիայի բեյլերբեյի Գյուրջի Մուհամմեդ փաշան, միջին թևից՝ մեծ վեզիրը՝ լեվենդ²⁶ և սեկբան զինվորներով, Թավրիզի դռան կողմից էլ Ջանփուլադ Ջադե Մուստաֆա փաշան, ծովակալ փաշան և ծովային մասի զեամեթի ու թիմարի տերերը, սկսեցին պատերազմը:

Ռուսներին թևից չորս ահարկու թնդանոթներից արձակված արկե-
 րը բերդին դիպչելիս՝ դղրդացնում էին երկինք ու երկիր։ Այդ օրը,
 Շամի բեյլերբեյի Մուստաֆա փաշան և ծովակալ Հյուսեին փաշան
 տվեցին հինգական թնդանոթ, որոնցից արձակված արկերը անհա-
 վատների տների վրա ընկնելիս մարդկանց ճիշն ու աղաղակը
 քարծրացնում էին մինչև երկինք։ Ենիշերինների աղայի թևում դըր-
 ված էր չորս թնդանոթ, Գյուլըջիի թևում՝ չորս թնդանոթ, Քյուչյուկ
 Ահմեդ փաշայի կողմում՝ նույնպես չորս թնդանոթ. ամեն մի թըն-
 դանոթին լծված քառասուն գոմեշները դժվարությամբ էին տեղից
 շարժում թնդանոթները։ Բերդը այդ հինգ վայրերից շրջապատելով,
 նրանք սկսեցին գնդակոծել։ Իսլամական փաղիշահը, բարձրանա-
 լով դեպի բերդը նայող բլրի վրա, գիշեր-ցերեկ դիտում էր պատե-
 յազմական գործողությունները և բարձրաձայն աղոթում էր Աստ-
 ծուն. նահատակներին թաղել էր տալիս, մեկ ձեռքով էլ նվերներ,
 թիմարներ էր շնորհում և աստիճանները բարձրացնում... Այդ
 օրը, նրանք 12 հազար զինվորով գնացին Թոփրաք Կալե... Դրանից
 առաջ, հանգուցյալ վեզիր Մուհամմեդ փաշայի օրով, պաշարման
 ժամանակ Թոփրաք Կալե մարդ չուղարկելու և պատրաստույթուն
 չտեսնելու պատճառով, Մերջաղա խանը այդ կողմը գնալով շատ
 վնասներ էր պատճառել։ Կափուջիների քեթխուդա²⁷ Ալի աղան
 Դնդանոթի պատահական գնդակից սպանվեց։ աբդեսթի²⁸ ժա-
 մանակ։ Փաղիշահը ֆերման տվեց, որ թնդանոթաձիգները անպայ-
 ման ոչնչացնեն այդ թնդանոթը։ Թնդանոթաձիգների պետը և թըն-
 գանոթաձիգները փաղիշահական ֆերմանի համաձայն, ջանքեր
 գործ դրեցին։ Շամի էմիր-ուլ-ումերա²⁹ Սիլահար փաշայի և ծո-
 վակալ փաշայի զինվորները հրետանային շատ ուժեղ կրակ բացե-
 ցին, որի հետևանքով անհավատների թնդանոթը և աշտարակի
 ծածկը ավերվեց, և այսպիսով մուսուլման ղազիները վնասից
 ազատվեցին։ Այնուհետև, Ռուսներին և սիլահարի զորամասերի
 դեմ ևս մի թնդանոթ ուղղվեց, որը կարող էր վնասներ պատճա-
 ռել մուսուլման ղազիներին։ Առանց երկրորդ օրվան սպասելու,
 Ռուսներին զորամասից արձակված թնդանոթի արկը հողին հավա-
 սարեցրեց բերդի կեսը։ Երեք օր շարունակ, օրական թնդանոթի
 հազար արկ արձակելով, բերդում եղած անհավատների տրամա-
 գրությունը խորտակեց։ էմիր Գյոնե-օղլին էլ իր պալատում չէր
 կարող հանգիստ մնալ։ Երբ նա՝ մուսուլմանների թնդանոթները
 ոչնչացնելու մտադրությամբ, 5—6 հարյուր կըզըլբաշ զինվորնե-
 րով, անսպասելիորեն հայտնվեց իսլամ զինվորների մեջ, ղազի-
 ները ամեն կողմից սբերով ընկան կըզըլբաշների վրա, որոնք Ռու-

մելիի զորամասից մի դրոշակ էին խլել: Ռումելիի մարտիկներից մեկը՝ մի երիտասարդ, հասավ և հիշյալ ռաֆրզին սպանեց: 'Լա-
զինները մնացածներին սրախողխող արեցին: Երբ վսեմաշուք փա-
ղիշահը՝ ձին հեծած, իր զորամասերով պատերազմելու պատրաստ
վիճակումն էր, թշնամին փախավ և մտավ բերդը. փաղիշահը ուղ-
ղըվեց դեպի իր վրանը և օրվա հերոսներին անշափ շատ նվեր-
ներ շնորհեց:

Հինգերորդ և վեցերորդ օրը բերդի պարիսպները այն աստի-
ճան ավերվել էին, որ մի ենիշերի խլեց քանդված պատերի վրա
եղած կըզըլբաշների դրոշակներից մեկը և վազելով հասցրեց փա-
ղիշահին, որի վրա ստացավ հարյուր ակշե: Ջերբելուներից³¹ մի
քաջ երիտասարդ՝ պարսպի վրայի դրոշակը պոկելիս, դեմը մի կը-
զըլբաշ դուրս եկավ: Ջերբելուն կըզըլբաշի գլխից խլեց դրոշակն ու
թաշկինակը և դրա համար ստացավ նվեր և սիփահիոթյուն³²:

Երբ կըզըլբաշները այս դրությունը տեսան և լաղըմ փորելու
հավանականությունը նկատի առան, «Այս աստիճանի ջանքեր ոչ
մի տեղում չեն եղել» կրկնելով, մտահոգությամբ մեջ ընկան...
Աստծո կամքով, պաշարման յոթերորդ օրվա կիրակի գիշերը, իս-
լամական փաղիշահը՝ բերդը հինգ կողմից պաշարած վեզիրնե-
րին հրավիրելով, ասաց. «Բերդը վաղը անպայման պետք է գրու-
վեք»: Նրանք բոլորը պատասխանեցին. «Մենք պատրաստ ենք մեր
ունեցած միակ հոգին զոհելու կրոնի և պետության համար»: Այդ
գիշեր մյուս օրերից ավելի շատ թնդանոթներ կրակեցին և բեր-
դում պաշարված կըզըլբաշները թաքնվելու տեղ չգտան: Կըզըլբաշ-
ները առավոտյան տեսան, որ թնդանոթների ու հրացանների կրա-
կը շափազանց ուժեղացել է և թշնամին հարձակման է պատրաստ-
վում: Սիփահիներին ֆերման տրվեց, որ հող կուտակեն: Մի գիշե-
րում կուտակված հողը նմանվեց մի լեռան: Յոթերորդ օրը վերին
աստիճանի կատաղի մարտեր տեղի ունեցան: Բերդում, խանի քեթ-
խուդա Մուրադ աղան և Երևանի դատավոր Միր Ֆեթահ-օղլին, պա-
շարված խաներն ու սուլթանները հավաքվեցին և քեթխուդա Մու-
րադ Աղային, էմիր Գյոնե-օղլիին և Թահմասը Կուլի խանին ասա-
ցին. «Մեզ վրա եկած փաղիշահը հերոս է: Եթե մենք համառենք,
Ահմեդ փաշան լաղըմներ կփորի և հարձակման կանցնի: Եթե բեր-
դը գրոհով գրավվի, մեզնից ոչ մեկին փրկություն չկա: Մենք մեր
ընտանիքներով սրո ճարակ կդառնանք: Ո՞րն է փրկության միջո-
ցը»: Մուրադ քեթխուդան ասաց. «Փաղիշահը արդարադատ է: Բեր-
դը հանձնենք: Փաղիշահները մարդասեր են լինում: Մեր մի մա-
զին անգամ վնաս չի հասնի»: Թահմասը Կուլի խանը, իրզըր Ա-

ղան և մյուս խելացիներն ասացին. «Ճիշտ պատասխանը այդ է»։ Սակայն Միր Ֆեթահ-օղլին չհամաձայնվեց և ասաց. «Ես Բաղդադի նման վայրից 18 օրում եկա, 5—10 ձի զոհեցի։ Ես այդ բանին չեմ կարող համաձայնվել։ Ի՞նչ պատասխան պետք է տամ Շահին»։ Մյուսները պատասխանեցին. «Հիմա բերդը մերն է և մենք վիրայով բախտավոր փաղիշահին կհանձնենք, քեզ տեսնենք, ի՞նչ միջոցներ ձեռք կառնես»։

Այս խոսքերի վրա Միր Ֆեթահ-օղլին խելակորույս ասաց. «Հիմա դուք աշխարհի ապավեն փաղիշահից կխնդրեք, որ ինձ՝ իմ մարդկանց հետ միասին, բաց թողնի»։ Նրանք խոստացան և պատասխանեցին. «Քո ապահովությունը մենք մեզ վրա ենք վերցնում»։

Ութերորդ օրը, կեսօրին, 1045 (1635—1636) թվականի սեֆերամսի 26-ին, Աստծո հրամանով, բերդի աշտարակից երկինք հասն աղաղակներ. «Ո՛վ աշխարհի և ժամանակի բախտավոր [փաղիշահ], ամա՛ն ամա՛ն»։ Երբ այդ բարի լուրը փաղիշահին հասավ, բարձր վեզիրները և մեծ ուլեմաները փաղիշահի ոտքն ընկան և խնդրեցին. «Ո՛վ փաղիշահ, շնո՛րհ արեք ընդունել մեզ»։ Վեհաշուք փաղիշահը ֆերման տվեց. «Նրանց ոճիրները ներեցի։ Գնացեք և ասեք թող գան»։ Ուղարկվեց Չավուշ-Բաշի³² Թուրաք աղան։ Կըղըլբաշներից մեկը ասաց. «Բերդը հանձնվեց, գոնե այս մարդուկին սպանենք»,—և պարսպի որմնածակից մի գնդակ արձակեց, որը սակայն, Աստծո կամքով նրա գլխարկը ծակեց, բայց գլխին չդիպավ։

Այնուհետև, չորսհարյուր կըղըլբաշներով Խավրիզից օգնություն եկած իրզըր Աղան, թնդանոթի քանդած վայրից իջնելով և ձիերը դռնից դուրս բերել տալով, 4—5 կըղըլբաշներով սադրազամի վրանի առաջ վրան սարքեց և այնտեղ իջևանեց։ Նա հրավիրվեց փաղիշահի կողմից և նորին վսեմությանը ծանոթացրեց իրերի դրուժյան հետ։ Փաղիշահը հրամայեց. «Քանի որ բերդը վիրայում հանձնեցիք, այսօր իսկ այնտեղից պետք է դուրս գաք»։ Շատ խնդրելով՝ հետաձգեցին մինչև առավոտ, միայն այն պայմանով, որ մինչև վաղ առավոտ թնդանոթների կրակը չդադարի և բերդը առաջվա նման գնդակոծվի։ Այդ գիշեր ավելի հզոր թնդանոթներ կրակեցին ու բերդում եղածների քունն ու հանգիստը վրդովեցին։ Հաջորդ օրը, վաղ առավոտյան, էմիր Գյոնեի քեթխուդա Մուրադ աղան բերդի տակ համբուրեց մեծ վեզիրի ձեռքը։ Սրա համար ևս վրան պատրաստվեց, փաղիշահի կողմից հրավիրվեց և ֆերման տրվեց։ Ֆերմանով հայտնվում էր. «Միր-օղլիի ցանկությամբ «ամանը» հաստատ է։ Բոլորը իրենց զենքերով, ամբողջ ունեցված-

քով ու դրոշակով կարող են դուրս գալ և գնալ»։ [Մուրադ Աղան] փաղիշահի ոտքն ընկավ և փրկվեց...

Հաջորդ օրը, վաղ առավոտյան, նվիրական ֆերմանով սիփահինների և սիլահարների շորամասերը բերդի դուռը եկան և դրոշակներով կանգնեցին աջ ու ձախ կողմերում... Թահմաս Կուլին «Մնաս բարով, ո՛վ Երևանի բերդ» ասելով, մեծ շուքով ու հանդիսավորությամբ դուրս է գալիս և, անցնելով սիփահինների միջից, գնում է Բարձր Դիվանը, վեհափառ փաղիշահի առաջ համբուրում է գետինը, հրաժարվում ռաֆլդիությունից և մուսուլման դառնում։ Իբրև հավատարիմ կուլ, Հալեպի էյալեթը վեզիրության աստիճանով նրան է շնորհվում...

Խրզր Աղայի խնդրանքով, ինքը՝ Միր Ֆեթահ-օղլին, նրանց հետ եղած սուլթանները և իրենց ձեռքի տակ գտնվող կրզլբաշները այդ գիշեր իրենց ընտանիքներով և զավակներով, թվով 4—5 հազար հոգի, դուրս են գալիս ու հեռանում։ Սրանք իրենց մուսապարհին պատահած աթ-օղլաններից³³ ոմանց գլխատում են, ոմանց էլ շղթայում և անարգում...

Այնուհետև, բերդի պարիսպների համար նշանակվեցին չորքաջիններ³⁴ և իսլամական զինվորները լցվեցին բերդը։ Զինվորներն անսահման քանակությամբ հարստություն և մթերք ձեռք բերեցին։

Հաջորդ օրը փաղիշահական վրանի դաշտում շքեղ Դիվան կազմվեց և Դիվանի անդամներն արժանացան փաղիշահի ձեռքը համբուրելու պատվին և շնորհավորեցին իսլամի փաղիշահի հաղթությունը։ Բոլորին խալաթ հագցրին։ Երևանի բերդի մասին «Թարիխ» է ասվել. «Սուլթան Մուրադ IV-ը նվաճեց Երևանը»։

Հինգշաբթի օրը, Թահմաս Կուլի խանը, փաղիշահի թույլատվությամբ, եկավ բերդում եղած իր պալատը, պատրաստություն տեսավ և 1045 (1635—1636) թվականի հաջորդ օրը, նվիրական ջամին զարդարվեց... Սուլթան Մուրադը մեծ շուքով և հանդիսավորությամբ բերդ մտավ։ Նրան դիմավորեց Թահմաս Կուլի խանը։ Նամազի ժամանակ լինելով սալավաթ³⁵ կարդացվեց, որից հետո եկան Թահմաս Կուլի խանի պալատը, այնտեղ օջեմական խրնջույք տեղի ունեցավ. խանը իր ծառայությունը հայտնեց մեծամեծ նվերներով։ Փաղիշահը խանին սամույրի խալաթ հագցրեց և Հալեպի էյալեթը նրան շնորհելով՝ իր մարդկանցով բերդից դուրս գալու ֆերման տվեց...

Սկսվեց [Երևանի բերդի] ռաբակոծությունից քանդված սասերի

վերանորոգման աշխատանքները, որը ավարտվեց 8 օրում... Մուրթեղա փաշան նշանակվեց Երևանի պահպանության համար. նրան տվեցին զինվորներ և շորքաշիներ, որոնք կամավոր գրվեցին ենիչերի ու սիփահի լինելու պայմանով:

Այն հարցին, թե ո՞ր ուղղությամբ պետք է գնալ, պատասխան տրվեց. «Նպատակահարմար և հեշտ է գնալ դեպի Գենջե, Ղարաբաղ և Շիրվան»: Փաղիշահական վրանը դեպի այդ կողմը շարժվեց: Երբ լուր ստացվեց, որ Աջեմի շահը Ռուստեմ խանի կղզիքաշ զինվորներով գտնվում է Թավրիզի, Խոյի և Սոֆիանի մենզիլներում, փաղիշահը անմիջապես Թավրիզ գնալու ֆերման տվեց: Նարժվեցին դեպի այդ կողմը: Ախալցխայի մոտ գրանցվեց 15 ենիչերիական վաշտ (օրթա) և ուղարկվեց Սեֆեր փաշայի ու Քենան փաշայի հետ: Ռեբի-ուլ-էվլելի 6-ին, նրանք իջևանեցին Թոփրաք Կալեի մոտակայքում: Երևանի պահպանության համար նշանակված Մուրթեղա փաշան իր 12 հազար զինվորներով շքերթ կազմակերպեց և մնաց բերդում: Էրզրումի գետի մոտ, Սեֆեդդին մենզիլին հասնելիս, այդ կողմերի բերդերի խաները եկան, հողը համբուրեցին և բերդերի բանալիները հանձնելով վերահաստատվեցին իրենց տեղերում... Կարա Խոջա Խոյի դաշտի տասը գյուղերը, որոնց բնակիչները փախել էին, հրո ճարակ դարձան... Այդտեղից նրանք Թավրիզ հասան: Այդ շրջաններում բռնված մի քանի հազար կղզիքաշների սրի անցկացրին և նրանց տները կրակի մատնելով այրեցին... Փաղիշահի ներկայությամբ բերված մի կղզիքաշ հայտնեց, որ Աջեմի շահը իր անունն ու պատիվը մոռացած, էր-դեբիլը դատարկել, ռայաներին քշել և ինքն էլ փախչելով, անուն ու հետք չի թողել: Փաղիշահը Թավրիզի մոտ վրան հաստատեց: Զինվորները Թավրիզ մտնելով, անթիվ հարստություն և ապրանքներ կողոպտեցին ու թալանեցին: Ռեբի-ուլ-էվլելի 20-ին [փաղիշահը] մեծ շուքով Թավրիզ մտավ: Քաղաքը կրակի տրվեց և բոլոր շինություններն այրվեցին: Այդ ժամանակ, երբ մի խումբ կղզիքաշներ իբրև «սերգեն գեղդի» գալիս էին իսլամական բանակից մի քանի մարդ բռնելու նպատակով, հանդիպեցին Մարաշի բեյլերբեյի վարվար Ալի փաշային, որի հետ բավական երկար կովելուց հետո, դրանց մի մասը սպանվեց, մնացածները բռնվեցին և իրենց սերդար Օշար Ալի փաշայի հետ միասին գլխատվեցին...

Ռուզի-քասըմին³⁰ հիսունհինգ օր մնացած լինելով, իսլամական բանակը ապահով կերպով դուրս բերելու համար շարժվեցին դեպի Երևան և ռեբի-ուլ-էվլելի 18-ին իջևանեցին Երևանի բեր-

դում... Երեք օր այնտեղ մնացին... Հետո Բիթլիսից, Դիարբեքի-
րից և Սվադից անցնելով Իզնիկ, այնտեղ էլ, ուշեր ամսի 16-ին,
նավերով, մեծ շուքով և հանգիսավորությամբ Ստամբուլում մտան
փաղիշահական պալատ:

1046 (1636—1637) թվականին փաղիշահը մեկնեց Բաղդադի
արշավանքին:

(էջ 753—762)